



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ზოგრაფი ალექსანდრე ნიკოლოზის ძე

ზოგრაფი ალექსანდრე ნიკოლოზის ძე [26. II(10. III). 1889, მოსკოვი, - 17. I. 1942, ლენინგრადი], მეცნიერი-ნუმისმატიკოსი. 1912-იდან მუშაობდა მოსკ. სახვითი ხელოვნ. მუზეუმში, 1922-იდან იყო ერმიტაჟის თანამშრომელი, 1935-იდან - ერმიტაჟის ნუმისმატიკის განყ-ბის გამგე. საგანგებოდ უნდა აღინიშნოს ზ-ის ღვანლი ანტ. პერიოდის კავკ. ნუმისმატიკური ძეგლების შესწავლის საქმეში. მან პირველმა სცადა, თავი მოეყარა კავკასიაში მოჭრილი და გავრცელებული ანტიკური, მათ შორის კოლხური მონეტებისა და მინაბადებისათვის, მოეცა მათი მეცნ. ატრიბუცია და ასევე მეცნიერულად გაეაზრებინა შესაბამისი პერიოდის სამონეტო მიმოქცევისა და სამონეტო საქმის კარდინალური საკითხები. ეს შრომები დღესაც ინარჩუნებს მეცნ. ღირებულებას.

თბზ.: Античные золотые монеты Кавказа, «Известия Гос. академии истории материальной культуры», 1935, в. 110; Распространение античных монет на Кавказе, Л., 1945.
